

Rait da vias chantunalas

## La stagiun da construcziun 2022 cumenza

La stagiun da construcziun 2022 cumenza suenter Pasca. Sin e per lung da las vias chantunalas èn planisads quest onn en total 168 plazzals. Sin 77 da quels plazzals vegn il traffic reglà cun amplas da signal.

La stagiun da construcziun en il chantun Grischun è curta. Ella cumenza suenter Pasca e dura en fin la fin d'atun. Cura che la stagiun finescha per propi dependa da las cundiziuns da l'aura e n'è perquai betg planisabel precisamain. Plazzals chaschunan savens restricziuns per il traffic. Per quel motiv vegnan las lavurs planisadas uschia ch'ils impediments per il traffic restan uschè pitschens sco pussaivel, en spezial durant la stagiun auta da vacanzas.

### Damain plazzals ch'ils onns avant

En cumparegliaziun cun ils onns precedents dat en egl ch'èn planisads il 2022 damain plazzals ch'èn la media dals ultims tshintg onns. Il motiv è ch'ils singuls plazzals daventan adina pli complexs. Correspundentamain lian els dapli resursas per la projectaziun e la realisaziun. Ils projects extendids en connex cun las vias principalas che cumenzan quest onn èn la correcziun da la via tranter Balamburtg e Püntcrap, la renovaziun dal traject da la via dal Bernina tranter Pozzolascio e Pisciadel sco er il traject sin la via dal Gùglia tranter la storta da Gross Kehr e Malix.

### Lavurs da mantegniment e nettegiament da tunnels

Auter ch'ils projects da renovaziun ch'èn per il pli colliads cun in'adattaziun dal trassé e/u dal profil da via



èn ils projects che regardan il mantegniment in'intervenziun main massiva. Els n'èn però betg exnum main pretensius. Ins na dastga era betg sutvalitar las lavurs da nettegiament dals tunnels. Cunquai ch'ins fa a medem temp las lavurs da mantegniment necessarias vi da las installaziuns electromecanicas, ston ils tunnels vegnir serrads durant quel temp. Per quest motiv repart'ins las

lavurs sur tut l'onn e las exequescha surtut la notg.

### Sa cumportar correctamain sin ed en il conturn dal plazzal

La segirtad da las lavurantas e dals lavurants ha emprima prioritad. Igl è impurtant che vegnian observadas


las disposiziuns per proteger las lavurantas ed ils lavurants generalmain valaivlas ed en spezial che las utilisadras ed ils utilisaders da las vias prendian resguard da quai che capita sin il plazzal. Passai cun ina spertadad adattada e cun tegnair avunda distanza dals elements da spartida. Sajas pli attent durant passar il plazzal, per che Vus possias reagir immediat sin schabetgs nunspetgads. Respectai las instrucziuns dal personal dal plazzal e dal servetsch da traffic.

**Impediments dal traffic**

Sin [www.strassen.gr.ch](http://www.strassen.gr.ch) chattais Vus las chartas dals plazzals actualisadas cuntinuadamain cun las indicaziuns detagliadas davart las lavurs e las restricziuns. L'Uffizi da construcziun bassa dal Grischun sco era las interesas engrazian per Voss resguard e Vossa chapientscha.



**Statistica dals plazzals da vias chantunalas 2017 – 2022**



**Legenda:**

- sin vias principalas
- da quels cun amplas da traffic
- sin vias da colliaziun
- da quels cun amplas da traffic

**Impressum**  
 Cuntegn Uffizi da construcziun bassa dal Grischun. La reproducziun dals maletgs e dal text cun indicaziun da la funtauna è giavischada.  
[www.tiefbauamt.gr.ch](http://www.tiefbauamt.gr.ch) > Documentaziun